

聖裁

壹議查逃故該固原道呈稱各營衛所堡  
逃故軍丁倒死馬匹先年官識印隱匿那  
移冒支錢糧往往有之本道洞悉此弊  
嚴行各管軍官但有軍丁逃故馬匹倒  
死卽將逃故倒死日期申呈本道查驗  
明白登記文簿仍批行各官於支糧冊  
內註寫該扣銀糧料草若干候支放月  
糧之時監收官掛冊照數扣除還官如



有隱匿不報者查出坐贓究罪但本鎮軍餉缺乏動輒拖欠卽在庫別項錢糧往往那借尚稱不敷雖每月積有扣除之數下月卽行贖放勢難存留抵解年例等因又該河西道呈稱遊守貳營東西兩川并慶陽衛所各項軍馬但有逃故倒死者該管官員造報食糧冊卽行開除其見在官軍應支糧銀料草之數造冊申道委官監放竝無隱匿冒領情

弊等因又該靖虜道呈稱靖虜營衛所堡兵馬月食銀糧料草按月造冊先送叅將衙門稽查明白又送監收廳覆覈相同類送本道綜核的確掛發委官監放如有逃亡軍馬臨放截日如數扣除在官備開花名數目呈報撫院并本道嚴查的實發各原倉另項收貯按季造入邊儲冊內轉報竝無侵冒情弊等因又該臨鞏道呈稱道屬營堡衛所先年



遇有軍士逃故馬匹倒死應支糧料草  
束卽日住支其臨放有事故不到者亦  
卽扣住仍附正項內以候下次通融放  
給因而未有扣除還官錢糧自拾捌年  
柒月內奉有明文將各逃故軍馬月糧  
料草扣除另項收貯以抵年例復該本  
道行各該將領等官以後但遇軍馬逃  
亡卽日塘報本道批行監收官將應食  
月糧截日扣除還倉另項收貯聽候抵

充年例支銷中間竝無隱匿等因又該  
洮岷道呈稱本道議行各營衛所將有  
事故軍馬壹面揭報本道截日扣除糧  
料壹面報知監收官便於放糧扣除仍  
每月終將各事故軍馬花名備列告示  
發行各營衛張掛許諸人首告隱匿兵  
馬官旗給以厚賞則積弊庶可少釐等  
因又該隴右道呈稱道屬秦鞏禮店參  
衛所有城操備禦班軍又有召募民軍



及土達軍食糧不壹間有馬匹者皆自行置買不支料草其召募軍土達軍各食糧原在各州縣關支向因承平日久人心玩愒軍多渙散不赴操練又各衛所老伍軍士月糧俱在本衛所屯糧內關領亦因數年自相兌支中間逃亡事故漫無稽查近該本道嚴行參衛所清查前項軍士原額若干實在若干應支月糧若干逃亡若干見在者照名給散

其餘逃亡事故一一扣除等因又該關西道呈稱平涼衛馬步旗軍見在叁千叁百陸拾貳名各軍月糧俱不在倉關領原議於各軍屯田兌支間有逃故隨卽勾補今本道立法以後馬軍遇調守邊軍有逃故馬有倒死該管把總管隊官卽日開報將領及該衛行糧料草於所在地方扣貯還倉月糧該衛行管屯官截日扣追每季終各該衛并將領官



將扣過行糧月糧冊報本道查考逃故  
軍丁勾補到日亦報道收糧千把總管  
隊官不得私自收伍等因該臣看得各  
道呈報稽查逃故言言詳矣但欲據以  
報壹無隱匿臣不敢也卽臣於洮州倉  
查出私扣糧銀伍拾餘兩此其罪不在  
將官故將官之隱匿易查而將官以上  
之隱匿難查臣雖多方稽察然能察於  
聞見之所及而不能察於聞見之所不  
及者尚多也若欲責之管糧郎中則與  
臣閱視者無異耳此其機全係於本道  
本道肯不時稽察嚴加劄懲無論將官  
卽監收官亦自不敢肆何患乎逃故之  
不可查耶今次欲寬文法自難一一苛  
求而本鎮瘠苦特甚臣不敢一一盡法  
伏候

聖裁

壹議查積貯該固原道呈稱本鎮歲該民



運銀壹拾壹萬柒千捌百捌拾餘兩京  
運年例銀叁萬貳千餘兩自款貢之後  
京運裁去壹萬捌千陸百兩又割民運  
貳萬叁千柒百捌拾餘兩以補靖虜嗣  
是壹軍壹餉毫無贏餘加以地方頻歲  
凶荒民運拖欠至貳拾陸萬餘兩京運  
年例止壹萬叁千肆百兩又以四川寧  
夏轉撥扣抵解發亦多愆期以致庫藏  
空虛糧餉告匱軍士日嗷嗷然待哺之

不給矣尚安得積有羨餘以應抵補等  
因又該河西道呈稱慶儲庫積貯見在  
銀貳萬柒千捌百伍拾貳兩伍錢零永  
盈等倉積貯見在糧貳萬肆千壹百玖  
拾肆石陸斗零料貳萬玖千肆百玖拾  
叁石伍升零草陸拾捌萬壹千貳百捌  
拾叁束零因貳拾年來兵馬未曾調發  
積有此數每年上班下班防秋官軍關  
支糧料草束大約不過糧米伍拾餘石



引中補分生疏稿卷五  
料豆伍拾餘石草貳百束而已其餘積  
貯日久率多朽腐豈惟無補實用而斗  
級懼累逃移者且紛紛矣若不及今議  
處誠恐將來沓爛日多有累無益及查  
各營應支本色亦不缺乏難議抵給惟  
是拾捌年鹽糧時估報在今春而今歲  
收薄糧草日漸騰涌乞賜題

請將拾捌拾玖貳拾叁年鹽糧照依引價折納官庫  
則庫積之銀可增壹萬伍千餘兩俟下

次閱視再行查酌或抵別項年例無不  
可者至於見在朽腐豆草伏乞准與開  
除固所以寬斗級亦未必無補於

國家等因又該靖虜道呈稱靖虜乃咽喉重地地  
土砂礮拾種玖無軍士所賴京民貳運  
糊口若運解及時及數足用一遇凶荒  
以銀壹錢易買糧料不滿壹斗雖歲入  
有數而民運節年積欠數計伍萬捌千  
餘兩委無應扣抵補年例之數等因又



該臨鞏道呈稱道屬蘭河臨參倉錢糧  
竝無京運年例惟靠本省民屯徵納解  
給若徵解通完則歲入猶足歲用但所  
派州縣俱係瘠薄地方加之災祲累年  
拖欠除萬曆拾叁年以前蠲免外今自  
拾肆年起至拾捌年止各府拖欠不下  
拾肆伍萬夫兵糧各有定額食者不減  
而入者不繼安有存積况今虜酋渝盟  
兵馬單弱蘭州營新召家丁肆百名河

州營并各堡新召家丁壹千陸百伍拾  
玖名俱係新增額外之數是以兩倉竝  
稱詘乏而河州倉告匱尤急竝無日久  
朽腐等因又該洮岷道呈稱洮岷分屬  
地方萬山合抱中間僅開壹線鳥道其  
瘠确狹小已無可墾之地各軍應支月  
糧如岷州等衛已歷過壹年零伍箇月  
西固城諸處則壹年零柒月叁軍嗷嗷  
待哺卽有善理財者亦恐無策之可施



矣此積貯之難責於洮岷也等因又該隴右道呈稱鞏昌疲困已久起運錢糧積年拖欠見今軍餉多缺豈能再有節省等因又該關西道呈稱所屬見在積貯銀糧數目具載捌事冊內今歲地方頗有秋成已經遵照明文通行各屬查動官銀趁時糴買糧料以備接濟支用等因該臣看得各道積貯不可以壹律齊如靖虜隴右關西參道雖無所蓄而歲入歲出尚可支吾若固原臨鞏則嗷嗷矣至於洮岷則幾於枵腹矣惟河西壹道所當亟議蓋本道原在腹裏先年虜犯開城故於本道地方多積客兵糧餉自款虜以後客兵支用甚寡而所積糧料朽腐成灰殊爲可惜且各倉斗級受累逃竄貽地方壹大蠹臣所至查閱誠有如該道所呈者據呈欲將鹽糧暫改納折色參年亦自有見惟是見今積



貯者卒無法以散之臣願亟行督臣作  
速議處必使公私兩便斯善之善也乃  
若出陳易新臣已籌之甚熟必不可行  
者伏候

聖裁

壹飭經制該固原道呈稱道屬各營堡萬  
曆玖年會計主兵官軍家丁壹萬叁千  
叁百捌員名馬騾牛壹萬伍百陸匹頭  
隻文職官吏孤老共壹百貳拾伍員名

歲支本色糧伍千貳百伍拾柒石玖斗  
捌升伍合料貳萬貳百玖拾石壹斗肆  
升草陸拾柒萬柒千捌百伍拾捌束折  
色銀捌萬捌千壹百叁拾叁兩壹錢肆  
分客兵官軍家丁柒百員名馬貳百陸  
拾柒匹經過備禦并領解茶馬官軍貳  
萬伍千肆百貳拾捌員名馬壹萬柒千  
壹百肆拾壹匹歲支本色糧玖百壹拾  
伍石捌斗叁升料壹千肆百陸拾捌石



貳斗草肆萬捌千玖百肆拾束折色銀  
 壹千貳拾貳兩叁錢柒分歲入本色民  
 屯糧叁千貳百陸拾柒石壹斗柒升料  
 玖千陸百捌拾捌石貳斗叁升草叁萬  
 肆束折色民屯銀壹拾壹萬捌千貳百  
 伍拾玖兩叁錢玖分京運銀壹萬叁千  
 肆百兩淮浙工本鹽貳萬伍千玖百捌  
 引壹百斤共銀壹萬貳千貳百肆兩貳  
 錢伍分今萬曆拾玖年見在各營堡主

兵官軍壹萬肆千捌百柒拾肆員名比  
 舊額增壹千伍百陸拾陸員名俱係節  
 年新襲并清補逃故奉文召選及尤總  
 兵額外

奏帶壹百伍拾名之數客兵除防秋備禦與舊額  
 相同歲入本色民屯糧叁千貳百陸拾  
 柒石壹斗柒升零與舊額同料玖千陸  
 百肆拾叁石貳斗壹升零比舊額少肆  
 拾伍石零草叁萬叁千壹百陸拾伍束



比舊額多參千壹百陸拾束折色銀玖萬肆千伍百貳拾貳兩柒錢比舊額少銀貳萬參千柒百參拾陸兩陸錢玖分京運壹萬參千肆百兩與舊額同總計今次主客兵官吏軍丁馬騾牛歲支本色糧柒千伍百柒拾捌石伍斗柒升料參萬伍百壹拾石陸斗草玖拾柒萬捌千參百捌拾束折色銀玖萬柒千伍百貳拾兩玖錢肆分歲入本色糧參千貳

百陸拾柒石壹斗柒升料玖千陸百肆拾參石貳斗貳升草參萬參千壹百陸拾伍束京民貳運并淮浙價銀通共銀壹拾壹萬參千參百貳拾肆兩玖錢肆分比歲支多銀壹萬伍千捌百肆兩少糧肆千參百壹拾壹石肆斗料貳萬捌百陸拾柒石參斗捌升草玖拾肆萬伍千貳百壹拾伍束等因又該河西道呈稱道屬遊守貳營慶陽環縣貳衛所原



額主兵官軍共伍千玖百陸拾陸員名  
先年奉文掣去遊兵營官軍壹千壹拾  
參員名更調陝西叅將營帶管操練及  
節年逃故官軍柒百貳拾陸員名近日  
汰過軍人參拾壹名實該官軍家丁共  
肆千壹百玖拾陸員名內除甜水堡走  
馬城貳操以地畝召募軍人壹百柒拾  
伍名不支月糧外見在支糧官軍肆千  
貳拾壹員名原額馬騾貳千壹百捌拾  
伍匹頭續於遊守貳營增馬壹百玖拾  
伍匹見在馬騾貳千參百捌拾匹頭遊  
守貳營將領貳員歲廩銀伍拾玖兩肆  
錢在山城清平靈武等驛支值站價銀  
內按季關支其餘軍糧上半年在慶陽  
府庫貯民運銀內支給折色銀共陸千  
玖百陸拾玖兩玖錢壹分下半年該本  
色糧米共貳萬參千玖百柒拾壹石內  
除遊兵營親信召募貳項家丁在清平



鹽引米內支給外餘在該衛所屯糧內  
遵照題

准事例兌支馬騾除環慶營并慶陽衛各軍自買伍  
百伍拾匹頭不支料草外其餘歲支本  
色料共壹千肆百叁拾貳石捌斗草伍  
萬玖千捌百叁拾貳束遊兵營戰馱馬  
匹并各家丁及常州標下馬在永盈等  
倉鹽引豆草內關支餘應支折色者每  
歲該銀貳千玖百伍兩伍錢叁分在慶

陽料草銀內關支其走遞騾頭料豆在  
鹽豆內關支草在屯草內支給俱有定  
數竝不缺乏相應照舊等因又該靖虜  
道呈稱靖虜伍城設近虜穴均係要地  
每遇秋冬兩防之際大約用兵叁千有  
奇壹歲照依時估大約酌動年例京運  
兩項不下萬兩易買糧料草束預備調  
遣客兵支用節年貴賤不壹所買糧料  
草束悉難槩綴如客兵免調仍備主兵



遇歲荒歉告討支用原無壹定永規等  
因又該臨鞏道呈稱道屬蘭河貳叅營  
并党家龍溝守備營堡及甘蘭臨河等  
衛所實在主兵官軍馬騾隨軍支糧文  
職官吏孤老歲用本色糧總計捌萬玖  
千貳拾伍石伍斗貳升本色料玖千柒  
百捌拾肆石陸斗伍升本色草叁萬貳  
千肆百貳拾伍束折色糧料草價銀捌  
萬貳千陸百肆拾陸兩玖錢伍分玖釐

貳毫伍絲歲額西鳳平漢臨鞏等府衛  
所徵納廣積廣儲河州等倉本色糧總  
計捌萬柒千肆石陸斗貳升肆合本色  
草叁萬貳千肆百貳拾伍束折色糧料  
草價銀柒萬叁千玖百貳拾柒兩玖錢  
貳分肆釐伍毫以歲入較歲出各倉裒  
益總計少本色糧料壹萬壹千捌百伍  
石伍斗肆升陸合少折色銀捌千柒百  
壹拾玖兩叁分叁釐零及查蘭州叅將



營新召家丁該馬肆百匹見今議補騎  
操歲計料草銀貳千柒百兩河州叅將  
營党家守備管見召未完軍丁柒百壹  
拾名并已召完軍丁見議應給馬匹料  
草約計該銀壹萬兩通共計該不敷銀  
貳萬捌千伍百貳兩叁錢陸分柒釐又  
查得蘭州秋冬兩防并調遣征剿應援  
官軍馬騾歲約支本色糧玖千貳百柒  
拾柒石貳斗料壹萬玖千伍百肆石捌

斗草陸拾伍萬壹百陸拾束折色銀肆  
百陸拾兩叁錢伍分河州調遣防範征  
剿并關領茶馬官軍馬騾歲約支本色  
糧壹萬陸千叁百壹拾伍石陸斗伍升  
料叁萬肆千壹百伍拾捌石陸斗草壹  
百壹拾叁萬捌千陸百貳拾束折色銀  
叁百捌兩陸錢捌分查得廣積等倉歲  
派淮鹽肆千肆百壹拾玖引肆拾斤共  
銀貳千貳百玖兩陸錢浙鹽肆千陸百



壹拾伍引捌拾柒斤共銀壹千陸百壹拾伍兩肆錢貳釐貳毫伍絲年例銀伍千捌百肆拾伍兩內西漳貳縣鹽課銀壹千玖百捌兩伍錢樽節民運銀叁千兩其不敷之數俱在布政司歷年撥解及查主兵見今缺乏錢糧無所樽節抵扣歲入本色鹽引糧料草除各倉外廣積倉糧壹千壹百貳拾肆石陸斗壹升料壹千貳百捌拾伍石貳斗伍升草壹

萬捌千伍百肆拾束以歲入較歲出共計少本色糧捌千壹百伍拾貳石伍斗玖升料壹萬捌千貳百壹拾玖石伍斗伍升草陸拾叁萬壹千陸百貳拾束河州倉少本色糧壹萬陸千叁百石零料叁萬肆千壹百石零草壹百壹拾叁萬捌千陸百貳拾束折色銀叁百捌兩零在蘭州倉者雖有淮浙鹽引并年例銀兩不敢支用河州倉竝無額發錢糧俱



應預備儻若再遇警報調遣兵馬恐猶不止前數而已也等因又該洮岷道呈稱洮岷分屬各路往昔止於防番爲力尚易自俺酋遺有餘孽洮岷逼近貳川遂稱肆鎮之要害矣萬曆捌年虜犯洮州拾捌年再犯舊洮州覆軍修將勢甚燃眉方今正募死士易壯馬以爲徹桑之計與別鎮之安常處順者萬萬不侔若曰某營軍丁可定若干某營馬匹可限若干卽於歲運本折議裁若干竊恐貳川不空四時防虜方將增兵增餉以固秦隴之門戶而可輕議裁省乎且西鳳等府歲運民糧自拾肆年起至拾捌年止拖欠壹拾貳萬伍千壹百兩有奇各官軍甚至有壹年陸柒箇月不得沾軍餉者則其勢又岌岌矣此定經制之難而錢糧議減之匪易也等因又該隴右道呈稱經制之款原係會計各邊兵



馬錢糧本道所屬秦鞏貳衛禮店所應  
徵屯糧草束俱該衛所官軍自納支領  
難以別議增減等因又該關西道呈稱  
平糧衛實在軍門標下左右貳營及本  
衛操捕官軍共參千肆百伍拾貳員名  
馬騾貳千貳百肆拾柒匹頭各支俸糧  
俱與屯運糧貳萬柒千貳百柒拾玖石  
肆升壹合叁勺叁抄叁撮屯草肆萬玖  
百壹拾捌束捌斤陸兩捌錢肆分叁釐  
伍毫肆絲地畝銀貳百壹拾柒兩叁分  
陸毫捌絲柒忽貳微京運年例銀柒百  
柒拾壹兩貳錢通融發補支給安東羣  
牧千戶所見在官軍貳百叁拾叁員名  
共該俸糧壹千玖百伍拾捌石肆斗額  
在民運糧內支給其客兵歲派民運糧  
壹千玖百伍拾肆石伍斗叁升壹合陸  
勺玖抄柒撮共折價銀柒百陸拾貳兩  
伍錢陸釐陸毫柒絲捌忽捌微秋青草



貳萬陸千伍百叁拾束共折價銀叁百玖拾柒兩玖錢伍分并布政司歲發年例銀叁百貳拾捌兩捌錢聽候召買糧料支用前項錢糧因地方災疲歲有拖欠支用之外亦無盈餘等因該臣看得經制之定謂有限制不得有所增損也故經制不難於定而難於既定之後無所增損若旋議而旋定旋定而旋改則又安所貴經制哉今據各道議報率以虜患方殷錢糧不足欲請增於原額之外夫請增者未可必則見在者安可定故本鎮之經制誠有難言者矣臣與撫臣再三商確謂此壹事最當議而最難議然終不敢率易定擬必俟虜患既寧事有畫壹方可議及於此耳關係匪輕不敢不以實報伏候

聖裁

萬曆拾玖年拾壹月拾貳日題拾貳月拾玖日



奉

聖旨該部知道欽此

題報屯鹽疏

欽差閱視固原邊務兵科都給事中臣張棟謹

題爲議復屯鹽舊規仰禪安攘長策事該戶部議

覆戶科給事中劉弘寶題前事行臣先將叁年  
以內屯鹽修舉廢弛照例舉刺造冊報部并查  
本部題議先今事理會同詳議各沿邊司道所  
管本境屯地原額若干頃畝今熟者若干荒者  
若干可墾者若干不可墾者若干軍墾者若干  
土運商墾者若干地畝旣立界限旣明卽責令



各照所管隨時設法督率其應納屯鹽各糧亦  
卽查屬各道催完其召商開荒給引原以鹽引  
之利償墾地之勞務要各商着實開墾上納糧  
料方許給引如有假名開墾拋荒如故者從重  
究革或有未盡事宜有裨邊儲者不妨隨宜徑  
自舉行等因奉

聖旨是屯鹽係實邊要務着閱視各官逐一清理務  
求實效無事虛文欽此欽遵隨該臣通行固原河  
西靖虜臨鞏洮岷隴右關西各道查理去後又

該臣巡行邊境逐處查閱崇山峻嶺絕漠窮陬  
無處不到每到必進其軍民咨詢土脉考究泉  
源察其荒熟之由驗其肥澆之狀及據各該軍  
民控告情詞臣又一一與之辨問再四講求乃  
知本鎮之地勢本與別鎮不同本鎮之屯田亦  
與別鎮不同必不能妄報開墾以貽累貧軍貽  
禍地方者且以本鎮原額屯田言之固原道屬  
陸千柒百捌拾伍頃叁拾捌畝有零河西道屬  
玖千叁百玖拾貳頃玖拾叁畝有零靖虜道屬



貳千叁百壹拾壹頃捌拾叁畝有零臨鞏道屬  
壹萬壹千貳百壹拾貳頃壹拾肆畝有零洮岷  
道屬伍千捌百陸拾肆頃貳拾伍畝有零隴右  
道屬捌千柒百叁拾貳頃貳拾柒畝有零關西  
道屬伍千叁百貳拾壹頃伍拾叁畝有零通共  
不過肆萬玖千陸百貳拾頃叁拾陸畝有零各  
道延袤旣廣曠土實多儻可盡數開墾而爲田  
豈非永利顧勢有所不能也臣東南產習於田  
者踏遍本鎮之川原而知此事斷在難行夫荒

之不可開也有叁田資於水其理易明本鎮地  
方正苦無水民間且爲窖以藏水又何暇爲溉  
田之計卽使人力已至而壹月無雨卽壹月無  
水壹年無雨卽壹年無水黃沙赤地滿目成裂  
此限於水也地本瘠鹵又復苦寒方春而涸未  
秋而落山木已然亦何有於五穀臣以陸月廿  
伍日登耳記山時夏雨初過瀾山皆雪冰霰旣  
集滋長自難畚鍤徒勞苗而不秀此限於時也  
惟土旣瘠惟民最貧卒歲所收以應目前而不



足瓶壘兩空饗餐幾廢而更遭災沴死徙流離  
臣所經行日見墟莽垣牖依然徒爲狐兔巢窟  
問之皆村莊也間有壹貳子遺穴山而棲奄奄  
欲斃似此窮民又何心爲務本力穡之計此限  
於力也以斯知本鎮不患無地可田而患無人  
可以承田者故屯田之弊或患在兼併或患在  
欺隱或患在將官占以養廉或患在富豪吞爲  
民產諸如此類本鎮皆無患焉而本鎮所患獨  
患無人患在諸弊可隨事而救其弊也患在無

人雖有智者亦無如之何矣至於召商開荒之  
說其難行尤甚蓋本鎮之所稱鹽商非真商也  
乃市民也每歲僉報籍名在官派納糧料民間  
一聞報商不啻問遣共相趨避甚至扳報小戶  
分認代納株連蔓引人人自危爲法之敝不可  
可盡言者臣所至紛紛赴告非自稱消乏求脫  
商人必自慙貧窮被商扳累者也若曰鹽商不  
開荒卽不准其給引則各商皆飄然颺去如飛  
鳥之出樊籠矣臣恐開荒之利未得而鹽引之



壅必自此始臣於此事蚤後以思慮之甚熟如  
部議事理非不能得之於各道也臣按部議以  
行則各道必遵部文以報曰開荒必云有荒可  
開曰召商必云有商可召各道具牒以報臣臣  
據牒以報

命豈不足以塞清理之責耶顧欲責以開荒勢必攤  
派軍士承領欲責以召商勢必僉報平民承當  
臣已實見屯軍之賠屯糧鹽商之賠鹽糧其累  
不可勝言矣寧無人心忍益其累且事終難行

徒具虛文以欺

朝廷耳臣往曾建責實之議敢自言之而自違之  
况欺罔之罪又隨其後是以不敢不據實上  
聞其弗稱任使臣之所可當者也不勝惶悚待罪之  
至緣係議復屯鹽舊規仰禪安攘長策事里未  
敢擅便爲此具本專差承差王鳴遠親齎謹題  
請

旨

萬曆拾玖年拾壹月拾貳日題拾貳月拾玖日



奉

聖旨該部知道欽此

張可菴先生疏稿卷之五